



UNIVERSITÄTS-
BIBLIOTHEK
PADERBORN

Antiquae Lectionis Tomus ...

In Qvo XVI. Antiqua Monumenta Ad Historiam Mediae Aetatis Illustrandam,
Nunquam Edita

Canisius, Heinrich

Ingolstadii, 1601

In Epistol. XLVI.

[urn:nbn:de:hbz:466:1-64144](https://nbn-resolving.org/urn:nbn:de:hbz:466:1-64144)

23. Cui regem Christi abiturus relinquis? *Vel ex his verbis, quibus discessum dissuadet, certus sum, hanc scriptam epistolam ad Ethelhardum: de qua ausim asserere, esse illam ipsam, in qua Alcuinus fatetur se dissuasisse abitum. Citat Malmesbur. lib. 1. de Pontifici Angl. Sanctissimo Patri & in membris Christi valde venerando Ethelardo Archiepiscopo, &c.*

Suasi aliis literarum mearum apicibus, Sanctitatem vestram permanere in patria, nolens lumen Britannia extingui. Sed fiat, quod Deo placet, ut proficiat Christi Ecclesiis. Prosperum iter faciat vobis Deus, Angeloq; eius comitante, prosperè vos ducat atq; reducat dulcissime & amantissime pater. Maximè autem prece, ut apud sanctos Apostolos mei habeatis memoriam, sicut nos apud S. Martinum vestri habere dulce habemus.

28. Offanum) *Offanus idem, qui & Offa. de quo epist. 32. citamus epistolam Alcuini ad Offam. Hac forma Beda, Bedam nominatur à discipulo suo ep. de transitu Beda. Sic & S. Columbanus, Columba; & Theganus scriptor gestorum Ludouici vocatur Thega & Thegam.*

IN EPISTOL. XLVI.

Viro Ill.) *Interpretor, Viro Illustri quia paulo post. Vestra nobilitas. Nomen huius quale fuerit, patet ex hac & subsequente 47. epistola; ubi, Homerum appellat. Sed eodem, quo ipse Alcuin. se Flaccum; & Carolum M. David nominat; familiari more illi euo, varia nomina adsciscendi. Hic me quondam (ut inter amicos ioca) Phœbum vocabat, ait Sidon. Apoll. lib. 8. ep. 11. ipse à nobis vatis Odrylij nomine accepto. Hunc Homerum fuisse legatum à Carolo M. in Italiam missum, colligo ex ep. 47. Ego quasi penè orbatus filiis remaneo domi. Dameta Saxoniam, Homerus Italiam, Candidus Britanniam recessit. Fortè nomine Homeri Engilbertum intelligit, quem Carolus M. misit in Italiam, ut patet ex ep. 27. 49. 51. 59.*